

四庫全書

史部

欽定四庫全書

路史卷二十四

宋 羅泌 撰

國名紀

太昊後風姓國

風

上世因國於風而為姓故帝之後有風后佐黃

帝滅蚩尤者堯誅大風禹訪風后皆其祚云大風若大

夏大地當汭水元和郡縣圖志云復州竟陵縣城本古風城古之風國即

伏羲風姓也南臨汭水蒞水也武德中置汭川縣隸汭顯德五年隸安本魏之汭川郡出

郢州

成紀

今天水治漢屬大水東漢屬漢陽唐屬秦州
州元治上邦而成紀本治小杭川開元二十
二年地震州自上邦徙治治之敬視川縣亦
移入新城天寶元年州還治上邦唐記云包
義于此生

包

帝之潛邦夏復封之為姒姓

杜預世族譜有
庖國云夏同姓

王符云夏封
伏義之後

地在襄陽漢之平樂也有包義

陵

見水經
世紀

及庖水焉東北入泝亦作卽庖泡

說丈泡出山陽平樂東北入泗音
腠集韻卽同庖腠袍褒四音

處

鄆之東一亭有致密鄉記為古密或者其處

邪其處不齊世咸作密亦作宓故處子賤碑

以為處義之後音為伏謂傳誤作密

黃帝後
自有密

陳

今陳治宛丘攷古字作陣隸繆為陳

車列官
傍所以

為陣轉為平聲古無從東陳後世傳家繆車
為東隸遂為東世不之知反以陳為正陣為
俗今難頓革姑定為陳亦或用
陸出說文石經及孝經車石碑傳云太昊之

虛許氏謂從木申聲亦妄

任伯爵本已姓帝魁母家逮黃帝以封幼子周

之繼絕也以居風姓今濟陽之任城

水經注云亢父

故城西夏后氏之任國也或曰仍也故晉志

以仍與有仍為二

密

男爵

非密侯者

今高密有密鄉本密水名漢高密

國隨高密郡唐為密州春秋之萊夷維邑也

預云淳于東北密鄉
淳于後齊廢入高密

宿

男爵周武王封宋人遷之

隱公元年及宋人盟于宿莊十年宋

人遷宿不云宿遷于某亡之也

杜預云東平亡鹽有故宿城

亡鹽城在今鄆之須城東三十六里隨宿城

縣也

秦置須昌在須句城北開皇十六年改曰宿城于宿城西北三十二里別置須

昌

鄆

一曰侑今之須城

秦須昌後唐以諱改即須句

按太康地

記有東西二鄆西鄆魯公所居今濟之鄆城

鄆與魯境舊云莒附庸以昭元年傳言季武子伐莒取鄆誤之經二十五年齊人取鄆而

居昭公不附莒也莒東鄆即此城夫公十二年何得附庸亦非魯地鄆與成公

九年楚人入鄆在今沂州沂水有員亭即鄆亭城橐宇以此為莒魯所爭亦非

須句

子爵成風國邾伐而魯取之詳記中或云魯私屬皆非經書

伐成傳曰來一作胸公羊地志胸城在壽昌西

北今須城西北須胸故城者京相璠云須胸

一國二城兩名非也蓋鄆歸須城而胸猶是

故所

顓臾

子爵沂之費縣西北二旅有顓臾故城橐宇記沂

水西北八十里
今在費縣西

故漢顯吏縣

開皇十八年以
南武陽為顯吏

貞觀元年
省入費

巴

海內南經有巴國所謂巴賁彭濮者伏羲後

生巴人郭璞云三巴國今巴縣是也

隸恭州
秦漢之

巴郡本隸渝有古巴城在沱江之北漢水之
南蜀將李嚴修古巴城者三巴記云閬白二
水東南曲折三
回如巴字故名

閬

華陽志巴子後理閬中

閬水紆回三面
地在其中而名地形

志云閬中居蜀漢之半東道要衝今郡城即

古之閭中城

通 巴之邑郡巴皆子也古者遠國雖大爵不過

子

巴東至魚復西連夔道北接漢中南極牂柯皆其界春秋戰國不改

郝辰 巫 武 沅

五州皆巴後分王黔中者

今太原有郝鄉太昊弟郝骨氏後一云右扶

風盤屋鄉也

見長安等志集韻音尺

帝乙時有子期因

封之曰郝云

舒石切又呼角切

傳曰任宿須句顓臾風姓也邑于濟上實
司太昊與有濟之祀風姓顓臾魯親之舊
也故邾人滅須句成風請封之言于釐公
曰崇明祀保小寡周禮也公聞之爰復須
句惡戲以成風一婦人不出戶庭猶存繼
絕之心豈惟先王之澤哉蓋人情所同然
者不可易也且伏羲去周幾年矣而猶國
焉欲世之不厚不可得矣此其可知者也

襄王十三年左氏傳邾人滅須句須句子
來奔十四年當僖公二十二年經書公伐
邾取須句傳云反其君焉至文公七年當
襄王之三十二年再書伐邾取須句傳乃
以為真文公子劉氏權衡以為皆無其事
謂其若來奔與反其君皆義事當褒真文
公子封叛臣當貶而皆不書夫使邾不滅
須句魯無緣取之取之而不復後無緣再
伐邾取須句蓋邾嘗滅須句而邑之故魯
取之取之矣而後復之故至是而再取書
再取則知嘗復邾須句矣不然何得二十
年而後兩書伐取邾諸侯不得專封故復
其君雖齊桓于衛有不書惟于日後有事
則自見其雖滅而未滅矣若真文公子何
足書哉詩序云攘戎
狄而封之知其妄也

炎帝後姜姓國

伊

蓋亦上世所國今洛之伊陽縣有伊水堯之

母家伊侯國

耆

侯爵自伊徙耆爰曰伊耆

猶陶唐
殷商然

一曰阼黎

也故大傳作西伯戡耆史記言文王伐阼

厲

列賴

帝之潛邦一曰列是曰列山亦曰麗山即厲山

黎見商後國九域志
厲鄉村有神農廟

今隨縣之北厲鄉即賴

鄉也有厲山在隨縣北百里神農是生

郡國志云

厲山神農所生荊州圖經云永陽縣西北有厲山神農所生處春秋之厲國

傳十五年

齊伐厲通為賴然厲賴異見周世國

姜

扶風姜陽有姜氏城南有姜水

封

封鉅國黃帝封之是為封胡通典云封丘古

封國也今隸開封有封父亭封丘臺即封父

國魯國都記衛之延卿高祖以為封丘封瞿母

逢
龐

伯爵伯陵之國黃帝所封夏有逢蒙一作蓬又作龐

穆天子傳逢公其後也地今開封蓬池一曰

逢澤

縣東北十四里九域志逢陂忌澤汲冢紀年梁惠王發逢忌之藪以賜民者

字當音龐秦孝公使公子少官會諸侯于逢澤天寶初載更名福源

北齊

內傳齊之先有逢伯陵蓋伯陵前封逢後改

于齊故山海經有北齊之國姜姓是兩齊云

爰

伯陵之子堯代有爰戕即齊地冒淳也一作

朱故傳作朱戕

江水

祝庸之封地今朱提

呂甫

侯爵伯夷之封杜預謂在南陽宛西南陽今

隸鄧

宛後周併入南陽

而太公乃出東呂呂莒也

博物

志曲海城有東呂鄉東呂里太公望所出也
寰宇記密之莒縣東百六十漢曲海城霍

邑亦曰呂武德初為呂州

十七年廢

圖經以新蔡

為古呂國蓋後來之呂近申在周亦曰甫一

作郇

上蔡有郇亭

申

伯爵初為侯平王母申姜國楚靈遷之今信

陽軍之方城內也唐申州之南陽漢之苑縣

詩云王命召伯定申伯之宅徹申伯土田

見崧

高潛夫謂在南陽苑北序山之下所謂于邑

于序者

謝

伯爵荊州記棘陽東北百里謝城是有謝水

水經出謝城申伯之國黍苗箋云宣王使召伯營謝邑以定申伯之國棘陽城

在唐之湖陽西北

汲

太公居今汲郡治汲縣有古汲城在故新鄉

東北四十八里有太公泉及廟

水經一云故居

齊

侯爵伯陵氏之故國以天齊淵名呂尚復封

都營丘今青之臨淄也然營丘故城乃在濰

之昌樂故萊侯與太公爭營丘

齊地記丘下周三百步高

九丈北廂下隆一丈五尺後胡公徙薄姑地志謂尚封薄

姑非

詳古國中

許

男爵太叔之封鄭滅之

定六年

王符云潁川許

縣

魏文曰許昌

周靖帝始為州今治長社一作鄆

說文作邲

焦

許靈公徙葉

成十三年楚平立還葉

至悼公遷城父

今都

毫

曰焦夷

昭九年遷于夷者與畧作譙夷

春秋時為陳邑楚

併之

襄王十五年楚伐陳取焦夷

魏為譙郡後周為亳州

今毫治譙縣有古焦城譙焦一也

寰宇記古譙城下邑

城北三

十一里

析地即白羽

昭十年

今鄧之內鄉也鄭樵以為淝

川

本南陽析縣二名見魯僖二十五年傳

斯遽遷容城今華容

內傳齊之先有逢伯陵而伯益書炎帝生

器器生伯陵故周語謂天黿之分我之皇

妣太姜之姪伯陵之後逢公之所憑神伯陵太姜之祖逢公伯陵之後為商侯伯封于齊地而伯益書更有北齊之國姜姓是知伯姜姜姓炎後前封于齊而太公其繼焉者也昔者帝嚳取于有駘氏曰姜嫄生后稷而后稷之封亦曰駘說者咸謂帝堯以其母國封之然及泰王復取于有駘氏曰泰姜是姜姓之駘至周猶在豈得云以

是而封稷哉乃不知稷封之駘在于武功
而姜姓之駘在于琅琊固不同也前事之
缺失可勝悼哉

艾

隱公盟處

六年

今牟縣東南有艾山

齊魯之境或曰艾陵

九域志艾山在下邳

杜預疑為臨沂東有艾亭

隰

犂也一曰犂丘預謂濟南隰陰縣或云隰邨

在懷西南懷貞觀入武陟

西有古懷城

柯

齊邑柯澤在鄆之東阿

莊公會齊侯處東阿故城在須城東

與鄭

成公十七年
柯陵鄭地

衛之柯異

襄公十九年
會處杜云東北

故柯城內黃

今隸大名

丙

邴也宋之下邑晉大夫所封古邴炎國

穆王
北入

于邴乃鄭
邑祊也

高

高氏

故高城在齊之禹城漢故縣

棠

大夫棠公邑襄六年晏弱圍棠預云國也今

萊之即墨有棠鄉與魯棠異

隱公矢魚處乃
單唐之魚臺

檀

武王時有檀伯達地志瑕丘檀城古灌檀也

瑕丘今隸兗有檀鄉

輿地廣記

或作壇

若

魯賢若士出于此

漢河間王妻若

齊地與蜀

若苗意封

吳

興之若異

吳興記長城下有若下美酒曰上若下若

井

周有井伯廣韻云子牙後

穆天子臣井利

或云虞公

族非字書作邢誤

正邢字

劇

齊附庸今留川劇縣

甌

齊邑乃齊宋戰處

僖公十八年

崔

丁公子采預云濟南東朝陽西北有崔氏城

盧

姜姓後封

韻

今齊之盧城漢縣

隸濟北

有盧水

章

鄆東平亡鹽東北有章城古章國齊人降之

莊公三十

劉賈依公羊穀梁為紀遺邑預非之

云附庸如邾邾是也

高堂

風俗通云高奚采

閭丘

本屬莒後歸邾

襄公二十一年邾庶其以閭丘來奔

預云南陽

縣北有顯閭亭

廩丘

世本齊大夫廩丘子邑今濟之鄆城北有廩

丘故城漢廩丘縣屬東都

晉隸濮隋併入鄆襄公二十六年傳

齊烏餘以廩丘奔晉故城在濮之雷澤北

梁丘

齊宋遇處

莊公三十二年

穀梁謂曹邾之間去齊八

百預云昌邑西南梁丘鄉今武成有梁丘山

隸單昌邑今在濟之金鄉

虞丘

世本又有梁丘虞丘皆齊采地

移

風俗通齊公子雖采于移後為氏

後漢移良

右齊之分

神農之為世謏甄四海紀地形經土分域
以與賢者共理之其所以為制也近者地
廣而遠彌小負海之邦多十里與二十里
以大用小猶幹後指繇中下外若居高屋
而建瓴水焉其制可謂得矣然攷其疆理
遠國廣隰纔俯後世一附庸爾斯萬國之
制也

十里一成外大夫士之采如卻張解
楊之類亦可謂國渾域特奏置河東

縣廣輪才一十有四里若今海洲堵嶼十
里二十里亦有至宰世為業者不在大也

雖然神農之國彌近彌大彌遠彌小而唐
虞之制則近小而遠大甸服之外親賢所
建百里之內為采二百里之內任邦而餘
三百悉封諸侯必先小而後大神農之使
大國處內則近大常稟京師之制而遠小
自微雄大之陵唐虞必使小國居內則小
國易獲神都之蔽而日圻亦蔑彊擊之迫
唐虞神農豈故為是擾擾殊哉

晉志五百
里侯服百

里采二百里任三百里侯任
即男也故有任氏為有男古今有異時

亡異勢勢或變易而存亡安危之幾或不
在乎此惟彊大之處內則尾大之憂自去
而上常惕彊大處外則僭擬之心易戢而
上常急神農之制故可謂兩盡矣而況于
德處者乎抑又求之先王之法亦固有微
權其間而非為是固也周之五服男列侯
外而晉鄭宋衛棋布近甸萊牟耿弦星分

遠服固非小必近而大必遠也然則神農
之國亦豈必近大而遠小哉大封建之君
于此必有擇矣

氐人

山經云炎帝孫靈愬生氐人為氐國

俗作
互非

狄歷

後為勅勒通典鐵勒自西海東據山谷不絕

骨僕同羅韋訖拔野古都波覆羅並號俟斤

唐咎

杜例云亦狄別種

皋落

杜例亦狄別種盟會圖疏云在潞州今絳之

垣縣西北六十故臯落城是世曰倚薄

玄氐

乞姓羌也今文鳳二竟白馬氐者居仇池曰

氐侯今興武成階四州地蓋岐隴而南漢川

以西皆氐云

楊 柜 泉 臯 伊 雒 陸 渾 九州之戎

僖公十一年有楊柜泉臯伊雒之戎二十二年有陸渾九州之戎陸渾河南屬縣楊柜不見而泉乃洛陽西南之泉亭伊雒之間則洛

陽縣西南之故戎城皆姜戎也

三十三年姜戎在晉南鄙

秦晉誘致而城于此或以為允姓戎者非

赤狄

隗姓

赤狄潞氏皆隗姓

故上黨地

杜云有赤沙城

今潞州地

鄭譙地名

露

參盧之封茶陵露水鄉有露水山予訪炎陵

稽其始封字亦作露蓋商周間衍于河東北

爾

路

參盧後春秋之潞子都曲梁

即雞澤潞州雞澤縣

周置

潞州

建德七年

今之潞城漢故縣亦作路有潞水

并之

潞子廟

隗氏

山海經有負神隗氏春秋隗氏之地

僖二十四年

潞

齊邑昔鮑子及潞者

哀公八年

一云土軍縣今有

地曰露漢之東露而幽之潞縣亦有潞水

潞即

河露河也

知後代之承襲猶殷商楚郢所至以為

名也

甲氏

潞氏屬晉滅之

宣公十五年荀林父滅赤狄潞氏十六年滅赤狄甲氏及

留吁皆潞之屬杜云上黨只潞城縣東有古城潞氏之國也

留吁

潞氏屬

亦滅于晉

屯留故城南即故留吁國也與

潞俱附中國

水經第十卷一名戎屯與潞俱附中國

為赤部胡

索隱春秋地名云

潞氏今日赤部胡

舟

禿姓亦有舟人明為國也古罍有舟姜敦博

古圖讀為周敦矣按楚有息舟

昭十三年傳

齊地

亦有舟道

哀公二十一年傳

駘

后稷母有駘氏後泰王復取于駘

盟會圖疏云卽炎帝

之後周
弃外家

魯東鄆地今沂之費縣南故駘亭是

地接齊邾亦作台故越使魯還邾田封境至

于駘上

哀十
七年

莒人伐我圍台

哀十二年伐我
東鄆圍台季孫

宿救台
遂入鄆

洎哀公時齊亂景公子荼遷于駘則

入齊矣非武功之駘

淳

是為淳于故城在高密之安丘東北故淳于

縣屬北海酈元云本夏之斟灌國武王以封

淳于公杞併之遂遷江南預云華容今監利

也

戲

驢山之北水名今新豐有戲亭

郡縣圖志昭應東北三十

有古戲亭皇甫謐云新豐二十常昭云有戲山

幽王死焉

章即入門至戲蘇林

云縣南四十里

或云幽褒戲此而名妄也

兩京道正里記等

音希

怡

一曰默怡今營之柳城亦作台即墨台禹師

墨如或云墨台

孤竹

今平之盧龍東有古孤竹城小白之所至地

道記在肥如南十二里秦之離支縣漢今支

也營州皆其地一作觚

本以孤生之竹可管而名

向

向姜國今河陽西北三十五有向城酈元云

軹南四十五向城

軹故城在濟源地名向上寰宇記在懷之河內西北

二十

七 璫預皆以河內軹西有向而無城疑為

蘇田按紀年鄭侯使韓辰歸晉陽向二月城

陽向

更名陽為河雖向為高平

故十三州志云軹縣南山

西曲有故向城即周之向國然代以為承之

向乃莒邑

向城在承縣宣四年伐莒取向者今密之莒縣南七十二故向城乃

莒邑非姜國蓋因傳姜不安莒而以為近莒爾

州

桓公五年州公如曹說者為即淳于與地廣

記高密夷安城淳于本春秋州國也今海之

東海縣有大小州山

本密州杞併之

王之三公稱公

云窠內侯者非也

劉敞云窠內侯如祭公者蓋胡公之類

或云

懷之武德北

武德漢故河內州縣忿生邑地近共

有州氏

晉有州綽

水經漢有州苞金石錄有州輔皆吉成侯

薄

今拱之考城東北有薄城漢縣屬山陽本宋

地

莊十二年盟薄者預云梁國蒙縣北薄城即此

甘

京兆鄠西南五里有甘亭

郡縣志或云在鄠北

甘盤之

國啟扈戰于此

馬融云甘鄠之南郊潁達云啟西行甘當在戶東

紀

侯爵姜姓輿地廣記紀侯故城在壽光

寰宇記紀

城故紀侯國姜姓又濰之昌樂西六十有劇城內有紀臺高九尺紀侯所築蓋後遷于此

世紀云周文妃國姜姓非也桓王后季姜也

孫遜送紀參軍序云周公之祚紀為之首繆也

隨

隨侯炎裔

得地珠者

故李白云漢東之國神農之

後季良為大賢

送倩公序

而世以為姬姓詳周後

國

鄆

紀要邑後為齊附

莊公三年紀季納之齊

預云故穀成

西有地曰舊下

濟北

續述征記安平有鄆亭安

平齊廢今隸臨菑

記云齊國東安平乃菑川國故之城在鄆今東阿東

紀鄆

杜例贛榆東北有紀城此紀鄆也

唐併入東海今

懷仁東北七十五有紀鄆城

並海州莒子所奔近海周十里

餘

莊公之三十年齊人降鄆高赤俱云紀邑在密然時紀亡二十年矣故啖子攻之

黑齒

姜姓山海經黑齒之國帝俊生其中宜梁竟

阪泉

姜姓其後蚩尤強霸周書云阪泉氏用兵無

已而亡

僖二十五年傳云此黃帝戰阪泉之北指蚩尤

今懷戎涿鹿

城東一里阪泉是

小顓

參盧命蚩尤宇此今安邑有蚩尤城宜是

春秋之世亡非亂春秋之法不亂魯宣公

十五年書晉師滅赤狄潞氏以潞子嬰兒
歸明年書晉人滅赤狄甲氏及留吁曰師
曰人晉固罪矣然在春秋戎狄舉號君臣
同辭固未得以名氏爵號書也今書其國
又書其氏又列其名爵又別其種族經之
文始異于是若三傳說為賢之者其果然
也邪潞氏甲氏蓋亦先王之世漸流于狄
而非狄之出也既有爵邑有名號則其為

書固不得而略矣伐國者討其罪人斯已
矣潞子之夫人晉景公之姊也據傳之說
豐舒為政殺之則豐舒者罪矣晉之致伐
則執豐舒僂之立黎侯安潞子紀其政而
還則諸戎至矣而顧滅其國執其君哉踵
是以降伐虜咎如敗狄于交剛于太原一
皆晉人有以見晉之不能仁義禦于為奪
易絕人之世也神農之塲在于茶陵而潞

水之鄉潞水之山若諸露之名遍于茶陵
攸邑潭衡之境益以是知諸露之始有在
于此殷周之代行出幽冀上黨之郊爾書
其爵土又書其名氏又別其種族徒以見
盛衰之不常其重絕先王之世也三五而
來未聞有賢狄也

黃帝後姬姓國

少典

有熊

帝之開國今鄭之新鄭輿地廣記云古有熊

國黃帝所都云都非

壽丘

在兗之曲阜東北六里高三丈今仙源

廣記云黃

帝所生之地此本史記素
隱皇甫謐說在魯東門外

陳

今鳳翔寶雞故陳倉有陳山非宛丘詳紀注

昌

昌意後

若水

昌意國今越巂之臺登盟會圖疏以為郡故

世本云允姓國昌意降居為侯非也

詳高
陽紀

安息

安之後

黨項

惇之後

江水

玄囂國若之下流泝水也今蜀州

卞

卞明國湯伐有卞隨或云卽弁以說文字林

大小篆無卞非也

卞和卞莊子自為姓尚書率循太卞與弁不同

今

泗水縣有卞故城漢屬魯國

季武子以自封姜氏會齊侯處

蠻人

龍苗之裔今湖南北桂林等處皆是辰澧沅

湘之間尤盛

清

少昊父封詳見後

張

揮之封然黃帝臣自有張若故河東解有張

陽城漢之東張今邢之任縣是

通典云漢張縣地紀

年齊師逐鄭太子齒奔城張陽南鄭是也

采

紀姓夷彭子故左人地今中山之北平王符

以采任姓非

比狄

始均之裔

資

陳留風俗傳云資姓黃帝後姓纂云益州資

中今資州資陽有資川江然古資陽城在簡

之陽安

祁之無極有資河衛之北糾山

而潭之益陽有資水

出縣北流入資口即益水酈云即資水之殊目武岡又有資水出唐

或其派裔

郾

潛夫論詹資郾翟黃帝後故玉篇云資郾故

國黃帝後封在岐山之陽所謂周原膺膺者

顧伯邳云昌意後止于夏商間

虔

風俗通虔氏出黃帝與陳留傳同今河東聞

喜虔聚旻集韻郾音蹇非

寇

在鄭有寇水北行唐

闕一作澠本出靈丘高氏山

今莫

之任丘西一里有寇水枯瀆陳留傳寇氏自

黃帝出

酈

故南陽酈音尺今內鄉菊潭鎮也字一作階

翟

北地古翟國後徙西河盟會圖云今慈州地

記伐衛懿公者賈逵云處北地後為晉所滅此春秋時隗姓翟炎帝後非此也

詹

周有詹父

莊公十年詹桓伯昭公九年圻內地與楚

詹尹異

葛

郡國志高陽有葛城今鄭西北有葛鄉城一

名依城漢高陽地然葛鄉故葛城乃在寧陵

北十五郾城北三十周四里去亳城百里即

葛伯國

說文鄆南陽陰鄉郾城隸許寧國本屬應天今隸拱應邵杜佑樂史等並

云古葛伯國都

非嬴姓之葛

詳少昊後

髦民

依姓山海經髦民國近積石

狂犬

黃帝後任姓分見潛夫論

鄒

荊也中絕武王復繼之記皆為祝祝堯後

詳後

橋

僑卽鄒橋也葬于橋因食其地以世紀者篇

韻鄒國名

皆為九小切非

唐表橋姬後

云周文帝命去木妄

余披傳記見蠻夷之種多帝者之苗矣若

巴人之出于伏戲玄氏羌九州戎之出于

炎帝諸蠻髦氏黨項安息之出黃帝白民

防風驩兜三鯀之出帝鴻淮夷允戎鳩蓂

羣舒之出少昊昆吾滇濮甌閩駱越之出

高陽東胡僭人暴輿吐渾之出高辛兜奴

突厥沒鹿無餘之出夏后曰是固有矣縉
雲之子黃帝之孫其始不肖以至不才幾
何而不胥為夷也遼東存箕子之由大夏
有李陵之苗信矣然元魏自以出于蒼林
慕容自以出于猓越赫連自以出于伯禹
而祿山亦謂安息出於昌意之子安是果
信邪余常言之夷蠻之醜雖有盛彊苟非
先王之後者皆不足以得志中國彼之

所傳亦必有所本矣且時聞之春秋用夏
變夷者夷之夷而進於中國則中國之彼
以是心至斯受之矣不然則求之四夷而

從鳳嬉何陋之有

逸論語云子欲
居九夷從鳳嬉

黃帝之宗

祈
斬也歐陽修祁公銘以祈為黃帝之子所封

非也祁少昊後祈黃帝後

酉
即酉陽今黔之彭水漢酉陽也有酉水

滕

今徐之西南十四有故滕城

古蕃縣
小邾國

開皇六

年古以滕國為名一作勝紀年越王朱句二

十年滅滕是也

司馬貞云滕之祖閔二年
共滕之民乃衛之下邑

箴

衛有鍼

成公
六年

卻氏姓解作箴皆音針

任

禹陽國倉頡為任大夫晉邑今邢之任縣

苟

戰國有苟變子思薦之

能將五百乘
薦之衛侯

程氏世

譜以河內多杞氏焉妄也

釐

僖也齊國釐城為來音簡王十二年舒庸人

道吳園巢及釐虺

邳

佶是見詩風俗通云殷時侯國一作吉潛夫

論云邳與姑同而字異

周封女媧氏於南燕
鄆名世以潛夫為誤

非也說文
佶為正

儼

與儼同音暄輕也集韻音旋非

依

史伯說十邑有依疇歷莘皆鄆邑後屬鄭韋

昭云國

紀劇

劇是今齊之臨朐東壽光西南故劇城漢之

劇縣紀劇要為二國故寰宇記古紀城在壽
光南又有劇南城云故紀國鄭樵云紀後遷
劇所謂胸劇云紀劇聲訛非也

胥臣曰同姓為兄弟黃帝之子二十五宗
其得姓者十四為姓十二姬紀祈酉滕箴
任苟釐佶僇依蓋皆以國而為氏嘗攷之
古之得姓者未有不本乎始封者也其氏
于事者蓋寡矣而姓書氏譜一每為之曲

說至有弃其祖之所自出又牽異類而屬之豈不悲哉余述路史又起國名紀而後天下之氏姓始大定矣且以張王李趙易類是謀謂皆黃帝所賜姓而世莫詳焉姓書則謂王出靈王李因老子張趙始周之中世而乃不知商有李徵夏有趙隱王倪在唐堯之代而張若者黃帝之臣又黃帝子揮亦封于張西廣洞酋汜今惟此四姓

為雄易傳之言未為無本而姓書之不足
證類蓋若斯嗟乎萬姓同本而岐其枝百
川派別而宗于海君子之欲求其祖之所
自出舍路史國名記何以哉

滑

濟

右二國歲之分

舜受禪水土平伯禹于是邛成五服至于

五千四海會同爰申錫其土姓土以立其
國姓而立其宗土姓錫而宗國定矣公侯
百里伯七十里子男五十里所以立國也
雖斷密雖滕箴祈酉釐邳僕依此所以立
宗也國立而後氓人有所依宗立而後族
姓有所係人有所依斯有以君之族有所
繫斯有以宗之是故公劉遷邠有為致力
朝廷而君之者有為致力宗廟而宗之者

本于土姓之有所錫也傳曰天子建德因
生以賜姓胙之土而命之氏胙之土錫土
也命之氏錫姓也契封之商稷與卨此錫
土也賜之子與姬此錫姓也方水未平諸
侯固各有國土百官亦各有族姓矣必九
州攸同而後錫之者前乎此惟有所不普
至是而後得以錫之徧爾滑濟二國名
衆地博有不可而指云

奚

鄭樵云魯奚邑今徐之滕東南六十青丘村

有奚家冢奚公山陽睦徐州記云仲造車轍

存焉

薛

侯爵

莊公三十二年伯者降

吉光國今滕東南五十有

故薛城故漢縣戰國屬齊為徐州秦為薛郡

有仲祠

後魏書薛縣有奚仲廟

或曰大薛

公孫弘生山今淄州南四

里十

伍

邳也今淮陽治下邳城漢下邳國

永平十年梁

下邳郡周邳州唐隸泗城三重處泗沂之會

有仲虺祠

寰宇記祠在徐之沛有仲虺城見九域志鄭樵云仲虺居在薛魯奚

仲遷邳後以邳為薛妄

摯

祖己七世孫成封周文王母太任國今蔡之

平輿有摯亭

謝

歐陽修謝絳銘云黃帝後昔周滅之以封申

伯在南陽之宛見詩嵩高其地西甚廣鄭公

友言謝西之九州者二千五百家者也

章

章與謝本皆任姓周始以封太公之支子

舒

春秋之留舒去穀七里亦曰柳舒故城在鄆

之須城許氏作郟郟邾之下邑

說文邾在薛縣集文音涂

洛

周書之有洛氏史伯云北有路洛泉徐蒲韋

昭云皆赤狄宜與此異或作絡

衛賢者絡疑

雒廣

漢屬縣

昌

黃臣有昌若宜昌邑其東昌故縣近滹沱河

有昌亭西昌縣春秋昌間多在河東北

荊

縣今范陽治地多荊水經注荊城西北隅荊

丘為名班志云荊故燕國名

非今荊城南北九里東西十里

慕容造

終

商有終古宜即佟後有佟氏

見廣蒼北燕丈人佟萬 佟

通今襄陽有佟水

泉

洛陽西五十故伊闕縣北有泉亭周世狄居

之俗呼前亭

伊拒泉泉是也昭二十二年有前城

卑

宜晉郡邑一曰郛郛

文元年

絳之垣東九十有

郛邵隄卑氏所出

蔡邕胡太傅碑有卑整

非越雋

有卑水

遇

禺也宜即番禺魯襄公救成至遇

十五年

魯邑

近成然非必禺

成在泰山鉅平南

王符作卑過訛

儋

山海經儋人任姓今儋州

周有儋翮

牛黎

經云牛黎之國儋人之子儋令有黎姚山

番禺

貴隅也今清海之屬縣有禺山傳云禺號南

海故予謂此即禺經文有無腸繼無之國皆

任姓

右一十六國任之分

周人之制內之天子三公外則二後之君
曰公康誥之周公召公畢公三公也微子之
之建上公二後之君也然攷諸經五等之
君通稱曰侯亦通謂之公康王之告羣公
與儀禮同稱之公春秋之稱諸侯與餘經
通稱之侯皆兼五等為言蓋公若侯爵之
貴者代故以是為稱聖人亦因而不之奪

乃若班爵則固自有差矣非可紊也春秋
列君平居必正其爵至葬則從其稱從其
稱所以副臣下之尊敬正其爵所以存王
度于不凋也雖然正其爵矣而于會盟總
稱惟曰諸侯世族所稱猶曰公子公孫魯
君侯也卒以公稱至于盟會亦或侯之吳
楚子也僭故不葬然至世族亦稱公子惟
其爵之貴爾

家國之稱抑又不一孟子言
千乘之家而王制縣內之采

一皆曰國周官朝大夫且稱每國是國亦謂之家而邑亦或稱國矣豈非公侯卿佐謹度以事其上則全于臣制節以御其下則正于君自臣道言之雖國亦家而自君道言則邑亦國邪采邑曰國則卿大夫固可謂諸侯矣所謂內諸侯也

南燕

伯爵伯儵國后稷妃南燕姑氏也

石癸曰吾聞姑姓后

稷元妃

今滑之胙城東北漢南燕縣隨改曰胙

桓王二年鄭敗燕師于北制桓公二年會燕人說為南燕

亦嘗曰東燕云

魯莊十九年衛師燕師伐周者史誤以之為北燕也

密須

子爵世本云商有密須文王伐之

晉志曰商侯國魯

有密須之鼓杜預謂姑姓國在安定陰密今

涇之靈臺也

十道志陰密屬鶉觚故括地象云鶉觚密氏姑姓今陰密城在

涇之保定郡縣志在靈臺西寰宇記古密國地史索云是河南密九

域志以為鄆之致密城皆非

闕

子爵今鄆之壽張有闕鄉而闕古城在中都

桓十一年寰宇記

闕亭又在須昌東南

即昭公末

云今屬齊之鉅野

年取闕者郡國志東平

陸有闕亭今壽張也

齊有闕止

允

高陽時有允格或云少昊後出黃帝

蔡

斬春江中有蔡山在廣濟縣

高崇文傳有蔡山竇苹云斬水

北縣

大龜納錫故曰蔡非姬姓蔡

光

春秋圖有光國今光州

敦

鉏任冷敦之田許地也鄭取之陳留風俗傳

云敦氏姑姓後

偁

晉襄公母偁姑國即周之偁陽國

扶日切詳高陽後國

燕

伯爵宜為東燕與南燕北

昭三年北燕伯欵亦姑姓

魯

汝之魯山縣非兗地

雖

伯爵汴之雖丘鄭莊夫人雖姑國姓纂云宋

之雖氏本姑姓纂宇記雖氏黃帝後姑姓是

矣又冀之堂陽東北三十六亦有雖氏城纂

宇之高埵城本于隴切自漢州名人姓皆于

用切談苑云當作平聲

昭十四年傳晉尸雖
子杜云陽翟東北有

雖氏城
者非

斷

晉地有斷道即卷楚也世本作段寫誤

密

河南密縣東四十故密城是武德三為密州

與須城比故說者謂即密須蓋亦號密須云

史索云密須今河南密縣與安定姬姓密別

雖

開封長垣近須城是衛今在澶之衛南二十

八里衛詩所謂思須與曹者由聲轉也

右一十四國黃帝後結姓分

結本姓今多用從女字

黃帝之子二十五人為姓十二姬釐俱帝

而任結二姓為此二十九國其他子姓固

稱是也禮傳曰舜即位封黃帝之子孫十

有九人為侯伯蓋不得攷矣後有見者當
併綴之

路史卷二十四

欽定四庫全書

路史卷二十五

宋 羅泌 撰

國名紀

帝鴻後釐姓國

白民

山海經云銷姓國而汲冢書言白民之國今

之白州

亦見博物志

孔晁以為東南夷與白州接

防風

釐姓守封禺之間二山在今湖之武康

吳興記云

吳興西有風渚山一曰風山有風公廟古防風國也下有風渚今在武康東十八里天寶

改曰防風山禺山在其東二百步說文作禺
寰宇記云以禁樵采曰封山山東南二十里
有禺山禹十二代孫帝禹所居皆妄今錢塘
之金鵝山郡國志云防風氏封此山下有風
渚然謂古鄆
瞞國者又謬

汪芷

即汪罔說苑云汪芷釐姓說文云封嵎山在

吳楚間汪芒之國歷代故以為防風也

縉雲

今處州縉雲郡有縉雲山是為縉雲堂縉雲

氏之虛也永初山川記永寧縣有縉雲堂是
矣舊經圖記皆以為黃帝之號黃帝之蹤失

之

驩

以嬖臣狐攻專權亡國

荀卿云堯伐之

今弘農有地

名晁志為驩之都然意驩為國當如魯驩未必晁地其後竄之崇山則今澧之慈利也有驩墓然領外驩州圖經記以為其竄所樂史亦記驩州為所放處則去崇山遠矣驩

隨為州是為驩朱國

山海經云國人似仙人面鳥喙捕魚海島郭氏

謂堯臣有罪放南海死帝矜之使其子居南海祠之而神異經言驩民鳥足仗翼而行

食魚不畏風雨有所觸
死乃已居南荒中尤異

崇山

在慈利

詳上

潞之涉東南亦有崇山非也

驩朱

今驩州詳上

三苗

三

周景式云柴桑彭澤之間古三苗國左洞庭

右彭蠡負固而亡者今衡岳潭之境而南海

亦有三苗國

山海經三苗國在西北赤水之東南海三苗之國記云禹伐有

苗其餘裔叛以入南海外國圖云去九疑三萬三千里神異經云苗民人形而腋翼不能

飛為人饕餮淫佚而無度居西北荒

三危

今戎虜瓜沙等州是其處有三峯山俗曰升
雨山在煇皇南三十里地道記云鳥鼠同穴
西有三危山三苗所處是也

重艷

穆天子觴重艷氏地在長琰近黑水其先三
苗

羌

今河關西南皆羌地濱于賜支至于河首緜
地千里

大人

見西北經釐姓

久遠之事謂人似狗蓋有知之者矣四兇
之姦曰侁侁曰窮奇曰檮杌饕餮而已侁
侁侮張之譬窮奇離奇之謂檮杌檮杌再之
稱饕餮貪叨之號爾而言者率過實傳曰
投之四裔以禦褊裋又曰堯竄之以變四
夷計四兇之在堯朝則為兇族蓋有今之
君子所不及者不然則亦安能禦褊裋變
四夷哉我之下駟當彼上駟然則四夷之

視中國豈不甚相遼邪先王於此蓋有以處之矣此氐羌戎蠻與夫白民驩兜防風三苗髦民狂犬鮮卑安息等之所以不去於國名記者豈惟先王之族哉亦欲世人知生華之為幸而不自棄于禽物之歸而已雖然山海經云驩兜苗民至有甚異而東方生神異經更以侏侏窮奇檮杌饕餮為之四獸人之于獸遠矣然檮杌之饕餮

之不已則去華而夷化人而禽不希矣離
仁義人雖名固二足無毛爾是以君子惡
居下流人之為人豈惟衣食飽煖而已哉

少昊青陽氏後

清
帝德考云少昊曰清清地也一曰青陽春秋

圖清有二預謂滎陽中牟西青陽亭是中牟
今隸開封然攷清地非一一在鄆漢封宮

中同者或謂少昊國

衛地今鄆之東阿東北
西十里有清亭隱公四

年遇于清者哀十一年杜云亭在濟北盧縣東一在濮臨濮西三十

年晉宋盟清丘者其邱高大又昭十一年一清丘魯地一在并解本曰清源

在解之聞喜今在安邑北五十宣十三年亦狄伐晉及清者而并又有青原亦狄伐晉之

路一作故樂平成十七年國勝待命于清者

雲陽

今茶陵有雲陽山有青陽氏墳蓋即青陽今

長沙皆是

青陽

今潭之長沙昔荆獻青陽以西于秦者然

貝之青陽漢之舊縣故城在今縣東三十五

貝今之恩而青陽熙寧四省入清河而歐公
于役志辛亥次青陽乃宿泗間蓋子孫之散
處者若池之青陽則特在青山之陽爾
天聖元年
置

窮桑

宜在梁雖之域

詳紀中

說咸以為魯

詳前紀

蓋以

傳謂伯禽之封為少昊之虛或其後所徙非
始國窮桑也

充

今充之仙源輿地廣記云少昊之裔

凡人有子八歲教讓十三出之俾就外傳
居宿于外誠欲以尊德性而廣見聞歷艱
難而知疾苦也國君有子獨不知誨之乎
太子者天下之本也其善者非他在于早
教諭而習人事爾子曰吾少也賤故多能
鄙事夫世固未有不先賤而多能者昔文
王之卦乾父西北坤母西南中男近父中
女近母少女介乎父母之間而長男獨遠

居乎父母之外遠乎父母惟以成其德多
其能也是故一鼃出震向明取離而天下
治矣雒陽年少蓋知其一而未悉其二也
彼知自古聖君少庸君多故亂日長而治
日短者在于人主教諭之不早而不知鼃
夕閨闈耳目之所接者盡富貴無非陷溺
其良心正性者也而能保其終不流乎風
雪之中有柰草蔭覆之下無美樅舟腹之

垣豈固少經綸之材邪佚則生疾安則忘
患是故洪舒蒲假從欲敗度而無不至夏
之癸商之受周之幽厲秦之二世與夫漢
桓靈晉惠懷東昏叔寶若夫後代之奔迷
菽麥惑屯毛繆豬驢而疑鹿馬者皆是物
也舜居深山之中與木石居與鹿豕游及
其得位則垂拱無為而天下治晉公子十
九年在外險阻備嘗而楚君華路藍縷以

起草莽俱霸諸侯夏之仲康少康商之盤
庚祖甲漢高祖唐太宗與夫文帝光武之
所以能恢復境土致太平者咸由長於民
間知人疾苦而已矣德慧以疾疾存聖賢
由忍性達是故愛子不可存之膝下孟侯
元子生于深宮之中長于婦人之手暑至
于溫寒至于涼而已未嘗知憂未嘗知懼
何自而知稼穡之艱難哉畀以天下是何

異于俾蟾執鼠鼯捕螭其不失之者無矣
予繹絡史見伏羲之出于庖神農之出于
耆黃帝之出于熊少昊之出于清與夫高
陽之出若水帝嚳之出高辛俱自遠方以
陟帝旋致昭泰然後知古之有道之君未
有不養成于潛者易曰潛龍勿用陽在下
也或躍在淵自試也飛龍在天上治也滄
淵者神農養神之所而潛邸者聖人養德

之地也可不務哉

西

兌
父
乾

坤
母
中

坎
中
北

震
男
東

天之道自北而南
人之道自西而東

少昊後國

倍

倍伐倍宜國

緡

蔑姓夏滅之山陽東緡

漢縣陳留風俗傳云東緡故陽武戶牖鄉

今濟之金鄉有古緡城鄒衍云予登緡城以

望宋都后緡國也

僖二十齊二十六年楚賈各圍緡同金鄉故昌邑

達以緡為有仍之姓妄

蔑

一曰姑蔑

姑引語猶于越

今兗之瑕丘有姑蔑故城

預在卞縣邾魯盟處

隱元年或云魯附庸贏姓

尹 般之封今汾州鄭樵說故尹地及周為尹氏采

有吉甫墓王符云慶姓蓋亦作允允格

汾 駘封汾川以處太原絳州正平之汾水也故

曲沃有駘神通典絳州曲沃有臺駘神元和志臺駘祠在曲沃西南三十六

里

臺 臺駘宜以國名或即汾川一曰臺駘障九城志祠

障並太原

沈

故國在汾川晉滅之沈約說成八年無之當是文三年沈潰者然恐其不

在與汝南之沈別約自序失之

姒

鄧名世云姒乃國名非姓也

姓氏辨誤

蓐

辱鄆也所謂郟鄆俱在河南有鄆山後蓋為

蓐收國風俗通姓纂云蓐收後未然

郛

子爵舊郛本商密秦楚界上小國

商密楚地在商之丹

水水經云南鄉丹水縣西密陽鄉

世本云允姓國秦入之

文五

年後遷南郛

預之說按晉志云南郛郡縣都子國與地廣記云楚附庸楚滅

之今襄之宜城西南有郛亭山上有城險固郛

鄉郡水

鄉居水及貞觀嘗為郡州通典皆作郡故諸地書多以為昌意所封失之

戎州

允姓古戎州已氏之邑今拱之楚丘已氏城

漢隨之已氏縣

詳紀

少昊後偃姓國

臯

陶之封杜云偃姓當與咎同商有咎單讀為舊非

偃

偃郕也光武曰郕最大宛次之楚昭陽伐魏

取郕者今許之郕城有故城而蔡之褒信故

郕城乃漢之偃

僖元年有偃云邾地盟會圖疏云偃城在豫州泛言之

州

今荆南監利故華容古州也昔隨絞州蓼伐

楚敗鄖者皆近楚小國

外紀以為姜姓州誤

莊辛言州

侯者非淳于之州

預云華容縣東南地然謂淳于杞併州遷于此而名

非則

絞

佼也楚伐取之

桓十二年

邾邑有絞在隨唐之南

漢有佼強或云原伯佼後

傳云佼小而輕是國也

桓十二年又

曰日虞四邑

桓十一年

顛倒如此

貳

在隨州南昔屈瑕將盟貳軫者

軫

左氏傳記軫國在楚東南鄭樵三國未詳

姓苑

黃帝造車軫
後賜氏安

謡

見潛夫論邳鄆傳有繇延音遙

歐陽欽舉
督邳繇延

宜

謡之訛臯繇名也

睨

伯爵漢為侯

論衡云廬江故睨侯國續
漢志云廬江自舒徙居睨

舒之

懷寧有睨故城睨公山

諸葛恪
所屯

睨伯廟九域

志宋州郡志云晉安于舊睨城置懷寧

為晉熙
郡治方

與記舊睨城武德五年王弘讓析置在古逢
龍城內魏書臧霸討難當逆戰逢龍即此居

晚水之北
因號晚城

史云夏姓非

地記晚偃姓系
皋陶後楚滅之

佑作

晚音患同

參

會

阮

文王侵阮是矣或云周中葉阮鄉侯晉伐秦

園祁新城蓋與元同

文四年

而切為願晚故說

同阮然代之五阮闕乃音通而地異也

祁新城如

言宋彭城爾說以祁為秦邑姓纂謂
在岐渭之間說文云鄭邑蓋自別

裴

鄭地文公會鄭伯處

十三年

說即裴林

宣元年襄三十

一年今開封宛陵有裴林林鄉一作裴

集韻裴漢侯國

一作裴音肥

在魏郡宜誤

舒

僖三年徐人取舒杜云廬江舒縣今廬之舒

城也一作舒羣舒子爵

文十二年羣舒叛楚夏子孔執舒子平

止

今首陽北故曰止陽

舒庸

楚滅之

成十七年

在舒城與庸別寰宇記舒庸城

與舒鳩城相似預云東夷國繆

舒鳩

楚滅之

襄二十五年

襄公時吳子使舒鳩民誘楚

民或作氏預云楚屬國

故城在舒城內

襄宇記

離城

襄二十五

荒浦

二十四傳

鳩茲皆其地

舒蓼

鄆也

集韻一作鄆字當作鄆

楚滅之

宣四年

武德四為蓼

州

領霍丘七年廢入壽

盟會圖云在光州杜以為二國

既非而通典更以為湖陽湖陽乃廖曰預之

繆

預云棘陽東南湖陽城是漢志從之

舒龍

預云六西南有舒城又西南有龍舒今舒城

西有龍舒故城去州三百而舒城懷寧皆有
龍舒鄉大小龍山曰龍以別羣舒然境以龍
稱水城在龍舒水西南中有池深仞無耗

舒鮑

世本云小國寰宇記舒鮑城在舒城西北龍

舒水南小於諸城

晉悼公大夫
舒鮑無終

舒龔

充之龔丘東南二十有古龔丘城然與羣舒

遠宜別國

鬲

郡國縣道記古鬲國鄆姓臯陶後漢為縣齊

郕

天保七併入安德今隸德州西北有故鬲城
今南陽屬縣

右二十二國偃姓

孔子作春秋凡并國邑在內皆曰取

取田四取

國邑十四

直書取

小國限牟郛郛郛郛

郛防與闡是也

書伐某取之者本其附

屬如伐郛取須句是也

公孫

恠父伐郛取鐸雖內臣亦曰取

外而書取

必其以計若本有者也

昔伐杞取牟婁宋伐鄭取長葛鄭伯

取戴必其元屬者齊人取于糾魯為郛取鼎皆元有者也

僖三十一取濟西田濟西

曹田而我取之宣四年濟西田以賂齊故書齊取十年而歸于我如昭元春取鄆田秋疆鄆田見非我者十五年齊因公出取鄆以居公故書齊侯善之也哀八夏齊取謹及闡冬歸之定十歸鄆謹龜陰田此皆計取者徐人取舒何也

三僖舒昔屬徐今屬魯而徐人取之也外取

內邑不繫國故代以謹闡鄆為魯邑不知

鄆闡鄆亦皆昔不屬而今屬郕者文之昭

也豈宋屬邪然罪之宋則見其今服宋故

伐宋而取之知此則知舒之所屬矣據考

其地宜居徐魯之間而非羣舒哀公十四
年有舒州者正乃齊地据以舒為羣舒江
淮雜夷而徐取之為夷蠻之自相并此尤
繆矣預例以為勝國不用大師曰取用大
師曰滅抑又大妄夫成國重于附庸附庸
重于都邑春秋必謹于此惟其罪有輕重
淺深也今顧不然而反為不道者記師行
之難易邪衛侯滅邢可謂易矣而不書取

公以楚師伐齊取穀用大師矣而不書滅

不為難易書亦明矣

蕢輒以徐稱人為羨尤疎

雖然秦

趙宮李黃徐邕費解梁諸國其後盛矣而

滅文仲以為臯陶不祀此左氏之妄志也

謠棐參會阮鄴舒止皆偃姓也而王符以

為優優姓商出于潜夫之失攷且以舒庸

舒龍舒鮑舒龔與舒五也而佑以為楚之

五舒為一唐史遂謂羣舒一國五名勞乎

今之記哉

少昊後嬴姓國

六 中甄國壽之安豐南有故六城漢縣九江王

都

元狩二為六安國治六而以蓼為屬東漢並屬廬江晉省入安豐寰宇記蘄之廣濟

為秦漢之六

有臯陶冢在舒城東南六十陂中

英

楚與國魯僖十七年齊徐伐英氏者漢為黥

布國

羸

籛也翳能繇物而封漢縣隸泰山後魏復置

于萊蕪唐入博城所謂羸博今究之萊蕪本

齊邑

公會齊侯處

盈
羸之枝作雒云熊盈以略者與熊鄆皆為周公所鄭一作鄆姓也或云即羸者非

費
翳之封音沸費仲費昌國費州費水之地與

魯費河南費異

河南滑費禹後扶未切魯之費音秘各見

蕭
孟虧封徐之蕭漢故縣屬沛北征記云城週

十四里南臨污水

非

蜚也蜚廉國龍門縣南七里有蜚廉故城非

子祖也又絳之正平蜚廉城云事紂所居

趙

晉之趙城南三十五故趙城造父封

史注趙城在河

東永安隨義寧二置趙城

寰宇記今趙州其地也

趙郡北齊為州

曲沃

訾

馭服

趙奢馭服君封今海之永年有馭服岡

邯鄲

磁之屬縣唐隸洺風俗通云邯鄲氏以國為

姓

眭

森

錢禾名隸省為秦非子初封秦亭今隴之汧

原隴西鎮有秦亭秦城

元和郡縣志城在州東南二十五世本云

附庸

然非子初封實秦谷在今秦州隴城漢隴

縣襄公始侯有岐豐地

莊居大丘

今永興與平漢

槐里

文復汧渭

德遷雒

今鳳翔大興

獻遷櫟陽孝

徙咸陽

並隸永興

遂世處之伯爵

鉞

繞

成六年晉楚遇于繞角

徵

北徵也今同之澄城

梁

伯爵本少梁夏陽也

伐曲沃者秦德公三年梁伯來朝索隱云嬴姓

是矣秦惠文公更名夏陽今韓城

今同之韓城有少梁故城

在韓

城南二十三年十年晉伐秦取少梁者

好戰而亡

僖十九年梁亡今有新里

城梁伯所築樂史云在澄城本華氏邑

有梁山

禹治梁及岐山

梁餘

遼山縣河東圖和順縣晉大夫梁餘子養邑

云云

將良

本曰良今淮陽軍有古良城

預云下邳良城縣哀十五年良

地屬吳

史作將良

運

京相璠云廩丘東八十有運城廩丘隨併入

鄆城今隸濟晉人執季文子還待于鄆即此

成十六年

掩

即奄郛也究之仙源故曲阜有奄城奄里古

之奔中

郡國志奄城古奄國茂先云史記出魯奔中

自運遷掩故

史有運掩氏魯近淮夷武王伐之

唐韻邠國名商奄也

祝佐云因商奄之民以命伯禽者按將蒲姑成王政俱云踐奄而周官言滅淮夷大誥言隳夷叛而多士乃言朕來自奄知為夷也襄二十五年奔中預疑為泰山萊蕪西壘口谷

鍾離

子爵

世本云嬴姓國

徐之別封

上又九域志

今沂之承有

鍾離城乃晉吳會處

成十五年預云淮南縣今屬濠州然時方謀伐

楚豈得會其地預之誤也遂滅偃陽偃陽去鍾離城六十

應劭云鍾離子

國在九江蓋其後徙于此吳滅之

昭二十四年傳吳滅

巢及鍾離鍾離不書疑

光武為侯國今濠之治東六里

鍾離故城也而宜咎之所城則楚地矣今漢

陽軍

尋

今尋陽字一从水

衙

漢馮翊屬縣今同之白水東北六十彭衙故

城也

文二年彭衙杜云郃陽西北有衙城馮翊故城亦在白水東北

音魚如

吾穆公子采

一音牙或音語訝非

汪

秦邑同之白水有汪城在臨晉東後屬晉二

年晉伐秦取汪及彭衙索隱云不知處誤

菟裘

盟會圖云充之泗水縣預謂菟裘在梁父縣

南梁父唐入乾封今之奉符也

不羹 二

春秋時二不羹襄城西不羹

汝之襄城東南古不羹城在今

龍興之南

定陵為東不羹

在定陵西北定陵今入潁川舞陽鄭樵以此為

西不羹龍興為東不羹

楚併之子革云四國皆足畏謂

陳蔡二不羹也

昭十一楚城之

子皙曰三國賦皆千

乘見非小邑

東灌

以有斟灌故此為東

東閭

修魚

即蕭魚鄭地

襄十一年杜闕

樗里

今謂南陽鄉有樗里

密如

預云費縣北有密如亭費隸沂一作如

高陵

蓋秦昭弟高陵君封今屬京兆

裴

裴也河東聞喜裴鄉是

解

洛陽西南大解城也又有小解非河東之解

昭二十二年周軍于解者周地

徐

趙孟曰周有徐奄括地象云泗州徐城縣北

今徐城鎮在泗之臨淮鎮北三十有故徐城

號大徐城周十一里中有偃王廟徐君墓去

徐州僅五百郡國志曰薄薄城

本下邳僮即今臨淮

取慮

徐之分漢屬臨淮故下邳西南有取慮故城

在虹北百二十光武以益楚者

以取慮益楚國十三州志

讀如甯陬邾婁

野王音秋閭

淮夷

世本云嬴姓蓋非一武王所伐其一也

右三十九國皆嬴姓

諸嬴為少昊後不待較矣由漢而來皆謂
伯翳為伯益而後始有以諸嬴為高陽之
後至有知伯翳為少昊之後者則不知伯
益為高陽之子言氏族者襲偽躡訛莫知
其繆文字滋多大率相給求其為適不亦
難哉予亟矜之是以論其世也後有識者
曷益損焉

少昊後李姓國

李

徐廣云河內平臯有李城李阪今溫縣城是

昔李同却秦兵死封其父李侯即其地

史說平原

君封

苦

碩宗封今亳之衛真漢苦縣隸淮陽國晉屬

梁國後魏為谷陽唐為真源有渦水瀨鄉祠

老子生處

萊

段干

蹇叔處干干國也

處干而干亡之秦而秦郡伯非愚于干智于秦也

國志衛縣南有干城詩出宿于干者今開封

有邲溝有段干木廟

九域志

而墓乃在汾之孝

義東北二十五

孝義乃漢茲氏

右四國李姓

段干李姓邑也初邑段後邑干因邑而氏

魏世家有段干子田世家有段干朋而風

俗通氏姓注乃以為姓段名干木蓋以呂

氏春秋干木光于德與魏都賦干木之德
之言誤之唐百官表遂以為封段而為干
木大夫疎矣幽通賦云木偃息以藩魏干
木豈其名哉姓書或更以為鄭共叔後抑
又妄云

江

晉志汝南安陽江亭也

同預

按在信陽縣之東

南新息之西有安陽故城

寰宇記安陽故城江國之地

黃

子爵楚滅之

僖十二年

光之定城西十二有故城

樂史云黃國故城十三州志云定城置在古黃子國南十二里少司馬云弋陽故黃國弋陽即今定城其去黃州四百五十先儒亦疑其相

遼不知其異昔黃不事楚曰自郢及我九百里非齊安亦明矣

耿

伯爵河中龍門縣十二故耿城晉獻公滅以

賜趙夙遂曰趙今晉之趙城

閏二年都城記耿嬴氏國辨誤

以為皮氏

東南耿鄉

弦

子爵楚所滅

僖五年

杜云弋陽軹縣東南今光

之仙居東十里弦亭也武德三為弦州城軼故在

仙居北四十晉志弦在西陽西陽今光山縣故歐陽志以光山為故弦國

茲二

牟夷以防茲二邑奔魯預云姑幕有茲城姑

幕後齊併入東莞今高密有故城九域志姑幕城在密

然太原亦有茲氏城晉志

蒲晉志云隰之蒲子今隰川縣北四十五故蒲

城晉重耳居通典云故蒲城縣長安志云蒲城縣同本之蒲城在縣東三十

里與衛蒲別衛之蒲在開封長垣東北十里子路所宰

時 博昌有時水春秋之乾時元凱云旱則涸故

曰乾時齊大夫時子

白 蔡之襄信西南白亭是楚平滅以封子建之

子勝曰白公

郟 子爵故東海郟縣唐入下邳無壘云願齊試兵南

陽莒地以聚常郟之境則齊莒之間也今淮陽

軍治有古郟城在東北百五十沂沐二水間周

十餘里有郟子廟

漢志少昊後外紀
輿地記云已姓國

秦為郟郡

優

今優州春秋以來楚地

巴

左氏傳巴師侵鄭今巴瀘二州境宜與太昊

後異

寘

史記作寘云嬴後有白寘氏則以白寘為一

也寘在陝

詳周後國

穀

詳周後國

麋

詳高陽後國

邛

邛子邛夫人國也世族譜云嬴姓傳太叔會

鄆乃衛地

哀十二年

非邳姬二姓邳

葛

魯附庸齊昭公母葛嬴在河內修武有葛伯

城葛伯墓

九域志湯始征者

祁

太原祁縣以祁數名自漢不改其地甚廣金

坡遺事係小國蓋以祁奚邑爾

祁奚墓在安邑

譚

子爵齊桓二年滅之

魯莊十年

今齊之厯城武德

中為譚州東南十里有故城

預云濟南東平陸西南有古譚

城實華云今齊州東平陵鎮也與地記平陸唐或作平陵

一作鄆與邾異

齊世家作滅郕故世以譚郕
為一而鉉以作譚為非皆誤

右一十八國亦嬴姓

魯宣公十三年齊師伐莒楚子伐宋二國

之興兵皆以晉也

莒從晉不事齊
宋與晉不順楚

彊大之

為虐春秋極矣

方扈之會鄭會而陳不

至故林父伐陳以即楚也楚子伐鄭以服

晉也

並宣
九年

夫為盟主不務德以聽諸侯之

去來而每以力勝豈長久之道哉 沈服

楚晉伐沈江與晉楚圍江

同文三年

曾未幾何

沈潰

文三江滅文四

雖晉楚亦未如之何者故

君子務修德不修德而爭諸侯徒自悴爾

此聖人所以皆人之歟

莒

紀姓與期二世茲丕始封都計後徙莒

外紀裏字

樂毅破齊城莒獨不下隨為莒州今密之莒

縣理厥後徙鹽官故世謂南莒

計

計斤爾樂史云茲與始都今高密東南四十

箸丘

渠丘

二

莒子朱居為渠丘公莒邑也

稟字

楚子重伐莒

圍渠丘者今莒縣有渠丘故城風俗通云晉

有渠丘公乃莒也

與齊邑異

齊渠丘乃雖
原邑今臨淄

西北西安
故城也

安丘

漢縣隸北海今隸宥有安丘亭西南十二有

漢安丘城

稟字記云
即渠丘邑

安丘望之

嵇康高士傳
持老子不仕

無婁

即牟婁也本牟夷國後屬杞今宥之諸城有

婁鄉城字書無婁微視也音牟

且于 犁比 林間 凡莒邑皆公稱

右紀姓國

密人不恭敢拒大邦侵阮徂共王赫斯怒
爰整其旅以遏徂莒以篤周祜以對于天
下此詩人所言王治天下弭禍御患而以
膺夫天眷者也密密須也密須之人旅拒
王命侵逼阮共之二小國王始以其不道

赫然奮怒整治師旅以遏絕其徂莒者蓋
將以除禍亂于下斯天之所為福也以篤
周祜以對于天下斯人之所為悅者以故
孟子援之為說而鄭氏乃以莒阮徂共
為之四國蓋惑于前者四國之說不惟遠
失詩人美王去亂之意而於詩文亦不亂
維此二國其政不獲維此四國爰究爰度
此言天之所以興周者也皇矣上帝臨下

有赫則監觀而下語可知矣二國者密人
崇侯也崇密為虐政可謂不獲矣而公乃
以為之殷夏豈其然邪維此四國爰究爰
度此言天以四方君侯付之周王而究度
之故下又云乃眷西顧言其卒與周也何
得以是充四國乎按馬遷言文王征伐之
數甚備孰有所謂徂者顧亦何嘗伐阮共
哉昔楚人之滅江秦伯為之降服出次


大夫諫之秦伯曰同盟之滅雖不能救敢
不矜乎吾自懼矣故君子曰詩云維此二
國其政不獲維此四國爰究爰度其秦穆
之謂乎

文三年

惟孟所言以遏徂莒而今乃

云以按徂旅斯則秦之後出于民間定于
講師之口者耳彼上方言爰整其旅而此
遽云徂旅其不然昭矣春秋初年紀子莒
子為盟于密莒杞密之近也王之伐密于

此遏其往莒之師戡亂之禰理必從其亟
宜莒之為正云



路史卷二十五